



Synfocity = 864

mail us at : mzsynfo@gmail.com; mizoramsynod@gmail.com - Phone - 2314648

October 27, 2022

□ Board leh Committee peng hrang hrang an th̄u

Synod Inkhawmpui atana Synod Department hrang hrangte inruahman lawkna Committee chu Oct. 17 (Thawhtanni) aṅang khan neih chho zel a ni a, Oct. 24 (Thawhtanni) khan Theological Education Board an th̄u a, secretary-in report a pe a, ATC-a zirlaiten Presbytery Inkhawmpui ramchhung leh ram pawn hmun hrang hrangah tuang taka an hman thu te, Pro. Pastor exam tuang taka neih a nih thu leh ATC Faculty member ten hmun hrang hranga rawngbawlina an neih thu te report-ah hian tarlan a ni. Tun tumah hian thurel tur chhawpchuah 19 a awm a ni.

Oct. 25 (Thawhlehi) khan Hospital Board an th̄u a, Secretary report-ah Service Manual 2021 chhut thu te, Mizoram Rural Bank aṅanga Bus thar dawn a nih thu te, CMC Vellore aṅanga MBBS zirlaiten Synod Hospital an tlawh thu te, CT Scan tihchanglung thu te, Blood Bank License pek thar thu leh programme pawimawha telna hrang hrangte tarlan a ni a, tun tumah hian thurel tura chhawpchuah 30 a awm a ni. Oct. 26 (Nilaini) khan Pastoral Committee an th̄u a, Oct. 27 (Ningani) hian Education Board an th̄u a, Oct. 28 (Zirtawpni) hian Synod Literature & Publication Board an th̄u ang.

Board leh Committee peng hrang hrang te Oct. 31 - Nov. 4, 2022 chhungin hetiang hian an th̄u ang.

Oct. 31, 2022 (Thawhtanni) - Trust Committee

Nov. 1, 2022 (Thawhlehi) - Social Front committee

Nov. 2, 2022 (Nilaini) - Worship committee

Nov. 4, 2022 (Zirtawpni) - Partnership Committee.

Synod Inkhawmpui atana inruahman lawkna committee peng hrang hrangte hi Synod Moderator-in kaihruiin Secretary report-te ngaihtlak a ni a, department budget 2023 - 2024 ruahmanna sawiho th̄in a ni bawk.

□ Praise On 2022

Oct. 27 & 28, 2022 hian Synfo leh Central KṛP ṅangkawpin an buatsaih Praise On 2022 Mal zai intihsiak Top 20 chu Chaltlang Kohhran Hall-ah neih a ni dawn.

Top 20 te hian Sound track hmangin an hla duh zawng 1 theuh hmangin intihsiakna an nei ang a, Oct. 28 (Zirtawpni) zanah result puan nghal a ni ang. Top 20 aṅangin top 10 thlan chhuah leh an ni ang a, top 10 te hian Nov. 8 leh 17, 2022 zanah te intihsiakna an nei leh ang a, ni 8 zanah Kristian Hlabu ami an duh ber an sa ang a, ni 17 zanah anmahni hla duh zawng hmangin intihsiakna neih leh a ni ang a, ni 18 zanah result puan a ni ang. Top 10 aṅangin pakhatna, pahniha leh pathumna thlan chuah a ni tawh dawn a ni. Top 10 intihsiakna leh result puan hi Mission Vengthlang Kohhranin an thleng dawn a ni.

Kumin Praise On mal zai intihsiakah hian lawmman atan pakhatna Rs. 1,00,000; Pahniha Rs. 50,000; Pathumna Rs. 30,000 leh Consolation Prize (Top Ten tling chin) Rs. 7,000 theuh hlan an ni ang.

□ Synod Mission Board leh ram pawn chet velna

◆ Assam Mission Field

Oct. 23, 2022 (Pathianni) khan Dibrugarh Kohhran chu Kohhran puitlinga hlankaina hun Rev. Billy Lalrinchhana, Field Secretary, Assam Mission Field-in a hmang. Kohhran puitlinga hlankaina inkhawmah hian mi 213 vel an inkhawm a, inkhawm banah hlim takin ruai an kilho nghal a ni. He hun hi Dibrugarh khawchhung a Kohhran pahniha Dibrugarh Mizo Presbyterian Kohhran leh Milan Nagar Presbyterian Church ten an hmanpui a, hemi rual hian kohhran dang aṅangin chhungkaw 1 (member 4 awmna) kan Kohhranah lawmluh an ni bawk.

◆ Jharkhand Mission Field

Oct. 23, 2022 (Pathianni) khan mi 2 Lal Isua zui turin an inpe.

◆ Barak Area Mission Field

Oct. 23, 2022 (Pathianni) khan mi 3 Lal Isua zui turin an inpe.

◆ Arunachal & Assam Mission Field (West)

Oct. 23, 2022 (Pathianni) khan mi 5 Lal Isua zui turin an inpe.

◆ **Bru Convention**

Oct. 28 - 30, 2022 chung hian Damparengpui-ah Bru Convention vawi 5-na neih a ni dawn a, Speaker Rev. Benny Lalmawia, Tanhril Bialtu a ni ang. Oct. 28 (Zirtawpni) zanah Inlawmna inkhawm neih a ni ang a, Oct. 29 (Inrinni) nilengin Cultural leh Variety Programme-in hun an hmang ang a, zanah vantlang Pathian Biak inkhawm neih a ni ang a, Speaker hnen atangin Pathian Thuchah ngaihthlak a ni ang, Oct. 30 (Pathianni) chawhma, chawhnu leh zanah te vantlang Pathian Biak inkhawm neih leh a ni ang a, Speaker hnen atangin Pathian thuchah ngaihthlak a ni ang.

Convention hmanpui tur hian Synod Mission Board, Synod Office atangin Board Secretary Rev. R. Lalmingsanga; Asst. Coordinator Nl. Agnes Lalrinzuali; Pu H. Darrozama, Pu T.C Lalruatfela leh Nl. Rodingpuii te an kal ang.

□ **Bookroom**

Mizoram Presbyterian Kohhran chuan nakkum 2023-a Puitling Sunday School zirlaibu tur chu an tichhuak ta.

Nakkum 2023 hian Mizoram Presbyterian Kohhran chuan Puitling Sunday School-ah "Kristiante Rinna Vawn Him" tih zir a ni dawn a. He zirlaibu hi Presbyterian Pastor-te zinga mithiam, Rev. Rosiamliana Tochhawng, Aizawl Theological College-a zirtir hna thawk mek ziah a ni. He zirlaibuah hian zirlai 46 awmin phek 259 zeta chhah a ni baw. Mizoram puma Synod Bookroom dawr zawng zawngah lei theih tura chhawp chhuah mek a ni a, a chhut man Synod-in 25% a subsidised avangin Rs. 110 chauh-a lei theih a ni ang.

Mizoram Presbyterian Kohhran Puitling Sunday School zirlaibu hi Mizoram Synod hnuai Kohhran zawng zawngte zirlaibu a nih bakah Presbyterian Church of Myanmar (PCM) hnuai Phai Synod pumpui chuan an zirlaibu atan an hmang ve nghal zel a. Presbyterian Church of Myanmar leh Mizoram Synod Partnership Agreement angin Mizoram Synod chuan kumtin Copy 1000 zet a thlawnin Presbyterian Church of Myanmar hi a pe thin a ni.

Presbyterian Kohhran Puitling Sunday School zirlaibu hi Mizo lekhkhabu malkhaiah chuan copy chhut chhuah tam ber a ni thin a. Kum 2023 atan hian Copies 90,000 zet chhut a ni.

Puitling Sunday School zirlaibu thar bakah hian Synod Calendar a phek keu chi chu peih fel a ni tawh a, tun atanga rei vak lovah 2023 Nilai Leh Beihruah Thupui Bu leh Naupang Sunday School zirlaibu thar lo chhuak leh tura beisei a ni.

□ **SL&PB**

Oct. 23, 2022 (Pathianni) khan Ramhlun East Naupang Chawhnu inkhawmah Literature Campaign neiin Tv. Zohmangaiha, Asst. Editor a kal.

□ **Worship Dept.**

Oct. 28 & 29, 2022 hian Thenzawl Field Vengah Solfa Training neihpui turin Pu H. Lalrinmawia, Senior Instructor a kal ang.

□ **MSSU**

Oct. 29, 2022 (Inrinni) hian Venghlu Kohhranah Naupang zirtirtu training neihpui turin Asst. Coordinator Pu Lalhmunzauva Tlau leh MSSU Trainer te - Upa H. Lalbuatsaiha leh Upa K. Vanlalnghaka te an kal ang a, zanah Pu Lalhmunzauva Tlau, Asst. Coordinator-in "Naupangte hnena rawngbawlina" thuchah a sawi ang.

□ **Social Front**

◆ Oct. 29 & 30, 2022 hian Dawrpui Vengthar West Kohhranah Social Front campaign nei turin Campaigner te - Rev. V.L Luaia Hranleh, Executive Secretary; Coordinator Pu R. Lalnunluanga leh Dr. H. Saithantluanga te an kal ang.

◆ Oct. 19 - Nov. 14, 2022 chung hian Synod Rescue Home-ah Cement Mistiri Training kalpui mek a ni a, training-ah hian mi 7 an tel.

❑ **Synod Relief Fund**

Tun hnaia harsatna hrang hrang nei te hnenah Synod Relief Fund ațangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Serchhip Bazar veng	Damlo	2	Rs. 16,000/-
2.	Zohmun Kawnzar veng	Damlo	2	Rs. 16,000/-
3.	Sumsuih	Leimin tuar	1	Rs. 10,000/-
4.	Melkawn, Ratu	Damlo	1	Rs. 8,000/-
BELHKHAWM				Rs. 50,000/-

❑ **OCTOBER 28, 2022 (Zirtawpni) (FM Zoawi - Aizawl & Lunglei @ 7:30 p.m.):**

Solo : Isak Malsawmtluanga - Vanram mawiah
Zaipawl : Vaivakawn Bial Zaipawl - Vanram mawiah
Thusawi : Rev. Rosiamliana Tochwawng - Lusun mangan
Solo : Zoramchhani - Isua hmangaihna leh thatna
Zaipawl : Tuikual Bial Zaipawl - Vanram Lalpa buatsaih.

❑ **Susamachar Prasaran Programme :**

OCTOBER 30, 2022 (Pathianni) 5:00 pm. :

Group/Choir/Solo : Republic Veng Masihi Sangati - Falaksa
Group/Choir/Solo : Khatla Masihi Sangati - Ishu Tera Wada
Sermon : Rev. SB. Gurung- Samai Ka Sudh Upyog
Group/Choir/Solo : Hunthar Kohhran - Ibadat Karo
Group/Choir/Solo : P.C Lianhmingthanga - Sahara

❑ **Moderator leh Executive Secretary-te Programme:**

Rev. Dr. Vanlalnghaka Ralte : Moderator

Oct. 30, 2022 Ramhlun Venglai Kohhran
 Oct. 31, 2022 Trust Committee
 Nov. 1, 2022 Social Front committee
 Nov. 2, 2022 Worship committee

Rev. C. Zorammawia : Senior Executive Secretary

Oct. 31, 2022 Trust Committee
 Nov. 3, 2022 Revival Committee
 Nov. 4, 2022 Partnership Committee

Rev. V.L. Luaia Hranleh : Executive Secretary

Oct. 30, 2022 Dawrpui Vengthar West, Social Front programme
 Oct. 31, 2022 Trust Committee
 Nov. 1, 2022 Social Front Committee
 Nov. 2, 2022 Worship Committee
 Nov. 4, 2022 Partnership Committee

Rev. Dr. K. Lallawmzuala : Executive Secretary

Oct. 30, 2022 Zemabawk North Kohhran, PES programme
 Nov. 1, 2022 Social Front Committee
 Nov. 2, 2022 Worship Committee
 Nov. 4, 2022 Partnership Committee